

『日本文徳天皇実録』10 天安二年五月乙亥条

是日。宮内卿從三位高枝王薨。高枝王。四品中務卿伊豫親王第二子也。爲人寬弘。頗習文書。大同初。親王遭害。三子遠配。辛苦流離。不知生計。弘仁改曆。聖皇踐祚。哀親王無辜諸子窮毒。殊降恩赦。免罪入京。返給前年被沒資財田宅。高枝与兄弟相議。均分男女。時人悲歎之。天長三年正月叙從四位下。爲因幡守。承和七年十月爲大舍人頭。嘉祥二年正月叙正四位下。仁壽四年正月叙從三位。八月除大藏卿。天安元年拜宮内卿。高枝學沙門空海之書迹。習沙良眞熊之琴調。未得其一道。遂至終身。時五十七。不蓄財產。遺令薄葬。